

in partes Cæsareæ Philippi, & in via interrogabat discipulos suos dicens eis, Quem me dicunt esse homines? Illi dixerunt, Alii Ioannem Baptistam, alii Eliam, alii unum ex Prophetis, qui surrexerit. Dixit autem Iesus, Vos autem, quem me esse dicitis? Respondens Simon Petrus: Tu es Christus filius Dei vivi. Iesus dixit ei: Beatus es Simon Bar-Iona, quia caro & sanguis non revelavit tibi, sed Pater meus, qui in cælis est. Tu es Petrus, & super hanc Petram ædificabo Ecclesiam meam, & tibi dabo claves regni cælorum. Posteaque discipulis prædicit se mox Ierosolymis passionem & mortem subiturum, & tertio die resurrecturum: quod cum Petrus non probaret, illum corripit Christus, suamque cuique ferendam esse crucem ostendit. Matth. 16. vers. 13..28. Marc. 8. vers. 27. 39. Luc. 9. vers. 18..27.

I. C. assumptis Petro, Iacobo, & Ioanne ascendit in montem excelsum, ubi transfiguratur.

LXXXV. Post dies sex (ferè octo habet Lucas) assumit Iesus Petrum & Iacobum, & Ioannem fratrem ejus, & ducit illos in montem excelsum seorsum, ut oraret. Et transfiguratus est ante eos, & resplenduit facies ejus sicut sol, vestimenta ejus facta sunt alba sicut nix, & apparuerunt illis Moyses, & Elias loquentes cum eo, de passione, morte, & resurrectione Christi. Respondens Petrus dixit ad Iesum: Domine, bonum est nos hic esse. Si vis, faciamus hic tria tabernacula, tibi unum, Moyfi unum, & Eliæ unum. Hæc illo loquente, nubes lucida obumbravit eos, & vox facta est de nube, dicens: Hic est Filius meus dilectus, in quo mihi benè complacui, Ipsum audite: & audientes discipuli ceciderunt in faciem suam: & accessit Iesus, dixitque eis, surgite, & nolite timere, & statim circumspicientes neminem amplius viderunt, nisi solum Iesum. Matth. 17. vers. 1....8. Marc. 9. vers. 1....7. Luc. 9. vers. 28....36.

I. C. descendit de monte, & Lunatici dæmonium mutum, & surdum quod Discipuli expellere non potuerant, ejicit.

LXXXVI. Descendentibus illis de monte, occurrit turba multa, & ecce homo genibus provolutus, exclamavit, dicens: Domine, miserere filio meo unico, quia Lunaticus est, & malè patitur, sæpè cadit in ignem, crebro in aquam, & obtuli eum Discipulis tuis, & rogavi ut ejicerent illum, & non potuerunt. Respondens Iesus, iussit patri ut adduceret filium: & cum vidisset eum, & scivisset hoc ei accidisse ab infantia, dicit patri, si credere posset, omnia esse possibilia credenti. Illo se credere exclamanti, & petenti ut adjuvaret incredulitatem suam; Tum intrepavit Iesus spiritum immundum, dicens illi, Surde, & mute, exi ab eo: & non amplius introcas in eum, & exiit ab eo dæmonium, & curatus est puer, & redditus patri. Discipulis autem postea sciscitantibus, quare ipsi

hoc dæmonium non potuissent ejicere, respondit Iesus, Hoc dæmoniorum genus non ejici posse nisi fide, oratione, & jejunio. Matth. 17. vers. 14..20. Marc. 9. vers. 16..18. Luc. 9. vers. 37..43.

I. C. ambulans per Galilæam iterum prædicat Discipulis suis imminentem sibi mortem, tum & resurrectionem.

Inde profecti prætergredebantur Galilæam, **LXXXVII.** nec volebat quemquam scire, & docebat Discipulos suos, & dicebat illis: quoniam Filius hominis tradetur in manus hominum, & occident eum, & occisus, tertio die resurget. At illi ignorabant verbum istud, & vehementer contristati, timebant eum interrogare de hoc verbo. Luc. 9. vers. 45.

I. C. venit Capharnaum, & exactoribus didragma petentibus, jubet Petro mittere hamum in mare, & statere in ore piscis capiti invento solvit.

Et cum venissent Capharnaum, accesserunt, **LXXXVIII.** qui didrachma accipiebant, ad Petrum, & dixerunt ei, Magister vester non solvit didrachma? Ait etiam: & cum intrasset in domum prævenit eum Iesus, dicens: Ut non scandalizemus eos, vade ad mare, & mitte hamum, & piscem, qui primus ascenderit, tolle: & aperto ore ejus, invenies staterem, illum sumens da eis pro me, & pro te. Matth. 17. vers. 23....26.

I. C. Domi quod discipuli, quisnam maximus esset in regno cælorum, in via disputassent, pueri humilitatem imitandum dicit.

Qui cum domi esset, vocavit duodecim **LXXXIX.** Discipulos, & interrogabat eos, Quid in via tractabatis? at illi tacebant, si quidem inter se disputaverant, quis major esset in regno cælorum, & residens ait illis: Si quis vult primus esse (in cælo) erit hic omnium novissimus, & omnium minister: & accipiens puerum, statuit eum in medio eorum, quem cum complexus esset, ait illis: Amen, dico vobis, nisi conversi fueritis, & efficiamini sicut parvuli, non intrabitis in regnum cælorum: quicumque ergo humiliavit se, sicut parvulus iste, hic erit major in regno cælorum. Matth. 18. vers. 1. & seq. Marc. 9. vers. 33..36. Luc. 9. vers. 46..48.

I. C. Discipulos reprehendit, quod prohibuissent quemdam, qui ejiciebat dæmonia in nomine Jesu, tum & aliqua dat præcepta.

Joannes dixit: Magister, vidimus quemdam in nomine tuo ejicientem dæmonia, & prohibuimus eum, quia non sequitur nos; & ait Iesus, Nolite prohibere. Qui enim facit virtutem in nomine meo, non est adversum vos, sed pro vobis est. Luc. 9. vers. 37. 46. tum agit de scandalo vitando, fratri poeni-